

FL 11110



საქართველოს საბჭოთა სოციალისტური რესპუბლიკის

მთავრობის

დადგენილებათა და განკარგულებათა კრებული

1939 წ. იანვრის 10

№ 1

თბილისი

შ ი ნ ა ა რ ს ი

სახალხო კომისართა საბჭოს დადგენილებანი

11110

1. კოლმეურნეთა და ერთპიროვნულ მეურნეთა მეურნეობებისაგან საბინაო და კულტურულ-საყოფაცხოვრებო მშენებლობის საპირობებისათვის გამოსადგების ჩატარების შესახებ.
2. თბილისის სტალინის სახელობის სახელმწიფო უნივერსიტეტის კურსდამთავრებულ კალისტა განაწილების წესის შესახებ.
3. საქართველოს სსრ სახალხო კომისართა საბჭოსთან არსებული სახელმწიფო საგეგმო კომისიის დებულების დამტკიცების შესახებ.
დებულება საქართველოს სსრ სახალხო კომისართა საბჭოსთან არსებული სახელმწიფო საგეგმო კომისიის შესახებ.
4. რაიონული საგეგმო კომისიების დებულების დამტკიცების შესახებ.
დებულება რაიონული საგეგმო კომისიების შესახებ.
5. სასოფლო-სამეურნეო არტელის სანიმუშო წესდების მე-12 მუხლის თანახმად განუყოფელი ფონდების ანარიცხის ოდენობის გამოსარკვევად მარცვლელული კულტურების, ტექნიკური კულტურებისა და მეცხოველეობის რაიონების დაწესების შესახებ.

საქართველოს
საბჭოთავო
საგარეო
აღმოსავლური
კავშირების
საგარეო
მდიარე



სახალხო კომისართა საბჭოს დადგენილებანი

1. კოლმეურნეთა და ერთპიროვნულ მეურნეთა მეურნეობებისაგან საბინაო და კულტურულ-საყოფაცხოვრებო მშენებლობის საქიროებისათვის გამოსაღების ჩატარების შესახებ.

საქართველოს სსრ სახალხო კომისართა საბჭო ადგენს:

1. დაევალოს აფხაზეთის და აჭარის ასსრ სახალხო კომისართა საბჭოების, სამხრეთ-ოსეთის ავტონომიური ოლქის ცენტრალური აღმასრულებელი კომიტეტის, აგრეთვე ყველა რაიონულ აღმასრულებელ კომიტეტებისა და საქალაქო საბჭოების თავმჯდომარეებს მოიხმინონ ავტონომიურ რესპუბლიკების სახალხო კომისართა საბჭოების, სამხრეთ-ოსეთის ავტონომიური ოლქის ცენტრალური აღმასრულებელი კომიტეტის პრეზიდიუმის, რაიონულ აღმასრულებელ კომიტეტების და საქალაქო საბჭოების პრეზიდიუმის სხდომებზე კოლმეურნეთა და ერთპიროვნულ მეურნეთა მეურნეობებისაგან საბინაო და კულტურულ-საყოფაცხოვრებო მშენებლობის საქიროებისათვის გამოსაღების ჩატარების მიმდინარეობა და დასახონ ღონისძიებანი, რომლებიც უზრუნველყოფენ გამოსაღების გამოანგარიშების დამთავრებას, გადამხდლებისათვის შეტყობინებათა ჩაბარებას 1939 წლის 16 იანვრამდე და გადასახდელთა სრულად აკრეფას დაწესებულებაში.

2. იმის გამო, რომ 1939 წელს კოლმეურნეთა და ერთპიროვნულ მეურნეთა მეურნეობებისაგან საბინაო და კულტურულ-საყოფაცხოვრებო მშენებლობის საქიროებისათვის გამოსაღების გადახდევინება პირველად იწარმოებს რაიონ საფინანსო ორგანოების საგადასახადო აგენტების მეშვეობით, დაევალოს აფხაზეთის და აჭარის ასსრ სახალხო კომისართა საბჭოების თავმჯდომარეებს სამხრეთ-ოსეთის ავტონომიური ოლქის ცენტრალური აღმასრულებელი კომიტეტის თავმჯდომარეს და ყველა რაიონულ აღმასრულებელ კომიტეტებისა და საქალაქო საბჭოების თავმჯდომარეებს გააძლიერონ მეთვალყურეობა და კონტროლი გამოსაღების ჩატარებისათვის და მაქსიმალური დახმარება აღმოუჩინონ საფინანსო ორგანოებს ამ უმნიშვნელოვანეს მუშაობის ჩატარების საქმეში.

3. კოლმეურნეთა და ერთპიროვნულ მეურნეთა მეურნეობებისაგან საბინაო და კულტურულ-საყოფაცხოვრებო მშენებლობის საქიროებისათვის გამოსაღების საშუალო განაკვეთები, რომლებიც დაწესებულია საქართველოს სსრ სახალხო კომისართა საბჭოს 1938 წ. 8 თებერვალს „კოლმეურნეებისა და ერთპიროვნულ მეურნეებისაგან საბინაო და კულტურულ-საყოფაცხოვრებო მშენებლობის საქიროებისათვის გამოსაღების დაწესების შესახებ“ გამოცემული დადგენილებით (საქ. სსრ კან. კრ. 1938 წ. № 4, მუხ. 16) აფხაზეთის და აჭარის ასსრ, სამხრეთ-ოსეთის ავტონომიური ოლქისა და საქართველოს სსრ რაიონებისათვის დატოვებულ იქნას უცვლელად 1939 წლისათვის.

4. ახლად შექმნილ წითელ-წყაროს რაიონისათვის დაწესდეს კოლმეურნეთა და ერთპიროვნულ მეურნეთა მეურნეობებისაგან საბინაო და კულტურულ-საყოფაცხოვრებო მშენებლობის საჭიროებისათვის გადასახდევინებელი გამოსალღების საშუალო განაკვეთები შემდეგი ოდენობით: კოლმეურნეობათა იმ მეურნეობებისათვის, რომლებსაც არა აქვთ შემოსავლის განუსაზოგადოებელი წყაროები—5 მანეთი, ხოლო იმ მეურნეობებისათვის, რომლებსაც აქვთ შემოსავლის განუსაზოგადოებელი წყაროები—20 მანეთი; მშრომელ ერთპიროვნულ მეურნეობებისათვის, რომლებსაც არა ჰყავთ არც მუშა პირუტყვი, არა აქვთ არც საბაზრო და არც სამიწათმოქმედო შემოსავალი—გასული წლის სასაფლო-სამეურნეო გადასახადის თანხის 85⁰/₀, ხოლო იმ მეურნეობებისათვის, რომლებსაც ჰყავთ მუშა-პირუტყვი ანდა აქვთ ან საბაზრო ან არასამიწათმოქმედო შემოსავალი, გასული წლის სასაფლო-სამეურნეო გადასახადის თანხის 120⁰/₀.

5. ნება დაერთოს რაიონულ აღმასრულებელ კომიტეტების და საქალაქო საბჭოების პრეზიდიუმებს შესცვალონ საბინაო და კულტურულ-საყოფაცხოვრებო მშენებლობის საჭიროებისათვის გადასახდევინებელი გამოსაღების დაწესებული განაკვეთები რაიონს შიგნით კოლმეურნეთა და ერთპიროვნულ მეურნეთა მეურნეობებისათვის განსაკუთრებულ შემთხვევებში, როდესაც რაიონის ეკონომიკაში მოხდა მნიშვნელოვანი ცვლილებები, იმ პირობით, რომ უცვლელად დარჩეს რაიონისათვის დაწესებული საშუალო განაკვეთები.

6. დაევალოს საქართველოს სსრ ფინანსთა სახალხო კომისარიატს და რაიონულ საფინანსო განყოფილებებს დაუყოვნებლივ მოახდინონ საბინაო და კულტურულ-საყოფაცხოვრებო მშენებლობის საჭიროებისათვის გადასახდევინებელი გამოსაღების გადაანგარიშება, რაც კანონით არის დაწესებული კოლმეურნეობებში შესულ ერთპიროვნულ მეურნეთა მეურნეობებისათვის.

7. 1939 წლის 15 თებერვლისათვის საქართველოს სსრ სახალხო კომისარიატსა და საბჭოს სხდომაზე მოსმენილ იქნას საქართველოს სსრ ფინანსთა სახალხო კომისარიატის მოხსენება კოლმეურნეობისა და ერთპიროვნულ მეურნეთა მეურნეობებისაგან საბინაო და კულტურულ-საყოფაცხოვრებო მშენებლობის საჭიროებისათვის გამოსაღების ჩატარების შედეგების შესახებ.

საქ. სსრ ს.კ.ს.-ოს თავმჯდომარე ვ. ბაქრაძე.

საქ. სსრ ს.კ.ს.-ოს საქმეთა მმართველის მ. ა. ი. შელევია.

2. თბილისის სტალინის სახელობის სახელმწიფო უნივერსიტეტის კურსდამთავრებულ სპეციალისტთა განაწილების წესის შესახებ.

საქართველოს სსრ სახალხო კომისართა საბჭო ადგენს:

1. იმის გამო, რომ თბილისის სტალინის სახელობის სახელმწიფო უნივერსიტეტის ეკონომიურ და იურიდიულ ფაკულტეტების კურსდამთავრებულ სტუდენტები სამუშაოზე განაწილებულ უნდა იქნან საქართველოს სსრ სახელმწიფო საგეგმო კომისიის, ფინანსთა სახალხო კომისარიატის, ვაჭრობის სახალხო კომისარიატის, იუსტიციის სახალხო კომისარიატისა და სახალხო მეურნეობის აღრიცხვის სამმართველოს სისტემის დაწესებულებებში, დადგენილ იქნას სამუშაოზე მათი განაწილების შემდეგი წესი:

ა) ეკონომიურ ფაკულტეტის კურსდამთავრებულ სტუდენტებს სამუშაოდ ანაწილებს საქართველოს სსრ განათლების სახალხო კომისარი საქართველოს სსრ სახელმწიფო საგეგმო კომისიის თავმჯდომარის, სახალხო მეურნეობის აღრიცხვის სამმართველოს უფროსის, ფინანსთა და ვაჭრობის სახალხო კომისარების მონაწილეობით;

ბ) იურიდიულ ფაკულტეტის კურსდამთავრებულ სტუდენტებს სამუშაოდ ანაწილებს საქართველოს სსრ განათლების სახალხო კომისარი საქართველოს სსრ იუსტიციის სახალხო კომისართან ერთად;

გ) თბილისის სტალინის სახელობის სახელმწიფო უნივერსიტეტის ეკონომიურ და იურიდიულ ფაკულტეტების კურსდამთავრებულ სტუდენტთა განაწილებას განათლების სახალხო კომისარი დასამტკიცებლად წარუდგენს საქართველოს სსრ სახალხო კომისართა საბჭოს.

2. იმის გამო, რომ მთელი რიგი სტუდენტები, რომლებმაც 1938 წელს დაამთავრეს ეკონომიური და იურიდიული ფაკულტეტები, დღემდე არ არიან განაწილებული სამუშაოზე, წინადადება მიეცეს კომისიას შემდეგი შემადგენლობით: საქართველოს სსრ განათლების სახალხო კომისარი ამხ. კიკნაძე—თავმჯდომარე, სახელმწიფო საგეგმო კომისიის თავმჯდომარე ამხ. თარგამაძე, ფინანსთა სახალხო კომისარი ამხ. ციმაკურიძე, ვაჭრობის სახალხო კომისარი ამხ. დონაძე და სახალხო მეურნეობის აღრიცხვის სამმართველოს უფროსი ამხ. გელაშვილი, ხუთი დღის ვადაში გაანაწილოს სამუშაოზე დარჩენილი 46 სპეციალისტი, რომლებმაც 1938 წელს დაამთავრეს თბილისის სტალინის სახელობის სახელმწიფო უნივერსიტეტი და დასამტკიცებლად წარმოუდგინოს საქართველოს სსრ სახალხო კომისართა საბჭოს.

3. იმ მიზნით, რათა სახალხო კომისარებმა და ცენტრალური დაწესებულებების ხელმძღვანელებმა შეისწავლონ ის სტუდენტები, რომლებიც ეკონომიურ და იურიდიულ ფაკულტეტებზე სწავლობენ, და რომ უკეთ იქნან ისინი გამოყენებული სწავლის დამთავრების შემდეგ სამუშაოზე, დაევალოს საქართველოს სსრ ფინანსთა სახალხო კომისარს, ვაჭრობის სახალხო კომისარს, იუსტიციის სახალხო კომისარს, აგრეთვე სახელმწიფო საგეგმო კომისიის თავმჯდომარე

და სახალხო მეურნეობის აღრიცხვის სამმართველოს უფროსს მკიდრო კავშირი ზამყარონ ზემოაღნიშნულ ფაკულტეტებთან, ყოველგვარი დახმარება გაუწიონ თბილისის სტალინის სახელობის სახელმწიფო უნივერსიტეტს მასწავლებელთა სწორად შერჩევის საქმეში და უზრუნველჰყონ ნორმალური პირობები ეკონომიური და იურიდიული ფაკულტეტების სტუდენტთა მიერ საწარმოო პრაქტიკის გასავლელად.

4. დაევალოს საქართველოს სსრ განათლების სახალხო კომისარს და თბილისის სტალინის სახელობის სახელმწიფო უნივერსიტეტის რექტორს დააწესონ ეკონომიური და იურიდიული ფაკულტეტების პირველ კურსზე სტუდენტთა მიღების კონტიგენტი დაინტერესებული სახალხო კომისარებისა და ცენტრალური დაწესებულებების ხელმძღვანელთა მონაწილეობით.

საქ. სსრ ს.კ.ს-ოს თავმჯდომარე ვ. ბაქრაძე.

საქ. სსრ ს.კ.ს-ოს საქმეთა მმართველის მ. ა. ი. შელეგია.

1939 წ. იანვრის 3. № 14.
თბილისი.

3. საქართველოს სსრ სახალხო კომისართა საბჭოსთან არსებული სახელმწიფო საგეგმო კომისიის დებულების დამტკიცების შესახებ.

საქართველოს სსრ სახალხო კომისართა საბჭო ადგენს:

1. დამტკიცებულ იქნას დებულება საქართველოს სსრ სახალხო კომისართა საბჭოსთან არსებული სახელმწიფო საგეგმო კომისიის შესახებ.

2. გაუქმებულ იქნას:

ა) დებულება საქართველოს სსრ ეკონომიურ საბჭოსთან არსებული სახელმწიფო საგეგმო კომისიის შესახებ, დამტკიცებული საქართველოს სსრ სახალხო კომისართა საბჭოს 1927 წლის 30 მარტის დადგენილებით (საქ. სსრ კან. კრ. 1927 წ. № 3, მუხ. 58; № 9, მუხ. 135);

ბ) საქართველოს სსრ სახალხო კომისართა საბჭოს 1934 წ. 20 აპრილის დადგენილება „საქართველოს სსრ სახელმწიფო საგეგმო კომისიის რეორგანიზაციის შესახებ“ (საქ. სსრ კან. კრ. 1934 წ. № 11, მუხ. 105).

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს.კ.ს-ოს საქმეთა მმართველის მ. ა. ი. შელეგია.

1939 წ. იანვრის 8. № 39.
თბილისი.

დ ე ბ უ ლ ე ბ ა

საქართველოს სსრ სახალხო კომისართა საბჭოსთან არსებული სახელმწიფო საგეგმო კომისიის შესახებ

1. საქართველოს სსრ სახალხო კომისართა საბჭოსთან არსებული სახელმწიფო საგეგმო კომისია წარმოადგენს საქართველოს სსრ სახალხო კომისართა საბჭოს მუდმივ კომისიას.

2. საქართველოს სსრ სახალხო კომისართა საბჭოსთან არსებული სახელმწიფო საგეგმო კომისია შეიქმნება 7 წევრის შემადგენლობით, რომლებსაც პერსონალურად დაამტკიცებს საქართველოს სსრ სახალხო კომისართა საბჭო საგეგმო დარგის ხელმძღვანელ მუშაკთა, გამოჩენილ მეცნიერ მუშაკთა და სპეციალისტთა რიცხვიდან.

3. საქართველოს სსრ სახალხო კომისართა საბჭოსთან არსებული სახელმწიფო საგეგმო კომისია:

ა) შეიმუშავებს და საქართველოს სსრ სახალხო კომისართა საბჭოს განსახილველად წარუდგენს სახალხო მეურნეობის პერსპექტიულ, წლიურ და კვარტალურ გეგმებს;

ბ) საქართველოს სსრ სახალხო კომისართა საბჭოს წარუდგენს დასკვნებს სახალხო კომისარიატებისა და რესპუბლიკური და საკავშირო ქვემდებარეობის სხვა უწყებების, ავტონომიური რესპუბლიკებისა და ავტონომიური ოლქის მიერ შედგენილი პერსპექტიული, წლიური და კვარტალური გეგმების შესახებ; სახელმწიფო და ადგილობრივი ბიუჯეტების გამო, აგრეთვე ძირითად სახალხო-სამეურნეო და საგეგმო საკითხებზე, რომლებიც დასამტკიცებლად წარედგინება საქართველოს სსრ სახალხო კომისართა საბჭოს;

გ) შეამოწმებს საქართველოს სსრ დაწესებული სახალხო-სამეურნეო გეგმების შესრულებას;

დ) საქართველოს სსრ სახალხო კომისართა საბჭოს დაეალებით და თავისი ინიციატივით შეიმუშავებს სოციალისტური მეურნეობის ცალკეულ პრობლემებს;

ე) დანიშნავს საექსპერტო კომისიებს ცალკეულ სამეურნეო საკითხებზე;

ვ) სახალხო მეურნეობის აღრიცხვის სამმართველოს მუშაობას უთანხმებს რესპუბლიკის სახალხო მეურნეობის დაგეგმვის ამოცანებს;

ზ) ხელმძღვანელობას უწევს ავტონომიური რესპუბლიკების, ავტონომიური ოლქის სახელმწიფო საგეგმო კომისიებს და საქალაქო და რაიონული აღმასრულებელი კომიტეტების საგეგმო კომისიებს.

4. სახელმწიფო საგეგმო კომისიის მთავარ ამოცანას წარმოადგენს სხვადასხვა დარგების განვითარების სწორი თანაფარდობის უზრუნველყოფა საქართველოს სსრ სახალხო მეურნეობის გეგმაში და საჭირო ღონისძიებათა განხორციელება იმ მხრივ, რომ არ იქნას დაშვებული დისპროპორცია საქართველოს სსრ სახალხო მეურნეობაში.



სახელმწიფო საგეგმო კომისიას ეკისრება ამოცანა — შეათანხმოს საქართველოს სსრ-ის სახალხო მეურნეობის გეგმაში სოციალისტური წარმოების, მომსახურებელი და დამმუშავებელი მრეწველობის, სოფლის მეურნეობისა და ინდუსტრიის, ტრანსპორტისა და სახალხო მეურნეობის მომიჯნავე დარგების მუშაობა; შეათანხმოს წარმოების ზრდა და მოხმარების ზრდა, წარმოების დაფინანსება და მისი მატერიალური უზრუნველყოფა; განახორციელოს საწარმოთა სწორი რაიონობრივი განაწილება, ამასთან მხედველობაში მიიღოს, რომ საქიროა შორეული და შემხედვრე ტვირთბიდვის ლიკვიდაცია, საწარმოთა დაახლოება ნედლეულის წყაროებთან და მათი პროდუქციის მოხმარების რაიონებთან.

5. საქართველოს სსრ სახელმწიფო საგეგმო კომისია დაგეგმვის მეთოდოლოგიის საკითხებში, აკრთვე სამეურნეო გეგმების შესრულების შემოწმების საკითხებში ხელმძღვანელობს სსრ კავშირის სახალხო კომისართა საბჭოსთან არსებული სახელმწიფო საგეგმო კომისიის მითითებებით.

6. სახალხო მეურნეობის გეგმის შესრულებაში გარღვევების თავიდან აცილების მიზნით, სახელმწიფო საგეგმო კომისია:

- ა) სისტემატურად ამოწმებს სახალხო კომისარიატების (ცენტრალური დაწესებულებების), სამეურნეო ორგანოებისა და საწარმოების მიერ სახელმწიფო სახალხო-სამეურნეო გეგმის შესრულებას;
- ბ) საქართველოს სსრ სახალხო კომისართა საბჭოს განსახილველად შეიტანს საკითხებსა და წინადადებებს, რომლებიც სახალხო-სამეურნეო გეგმის შესრულების შემოწმებიდან გამომდინარეობენ.

7. საქართველოს სსრ სახალხო კომისართა საბჭოსთან არსებულ სახელმწიფო საგეგმო კომისიას უფლება ენიჭება მოსთხოვოს სახალხო კომისარიატებსა და სხვა უწყებებს, რომლებიც საქართველოს სსრ ტერიტორიაზე მოქმედებენ, საქირო მასალები და განმარტებანი, რომლებიც დაკავშირებულია სახალხო-სამეურნეო გეგმების შესრულების შევსებასთან.

8. დაკისრებული ამოცანების შესასრულებლად საქართველოს სსრ სახალხო კომისართა საბჭოსთან არსებულ სახელმწიფო საგეგმო კომისიას აქვს აპარატი შემდეგი სტრუქტურული ერთეულების შემადგენლობით:

- ა) ნაკრები სახალხო-სამეურნეო გეგმის განყოფილება წარმოების, კაპიტალური მშენებლობის ნაკრები გეგმის, რაიონული დაგეგმვის, ფინანსების (ბიუჯეტის და კრედიტის) და სახალხო-სამეურნეო ბალანსების ჯგუფებით;
- ბ) მრეწველობის სექტორი
მსუბუქი მრეწველობის, კვების მრეწველობის, ადგილობრივი მრეწველობის, სატყეო მრეწველობის, ტრანსპორტისა და კავშირგაბმულობის და სარეწაო კოოპერაციის ჯგუფებით;



გ) სოფლის მეურნეობის სექტორი
ერთწლოვანი კულტურების, მრავალწლოვანი კულტურების, მეცხოველეობისა და წყალთა მეურნეობის, სოფლის ელექტროფიკაციის ჯგუფებით;

დ) სოცკულტურის სექტორი
ჯანმრთელობის დაცვის, განათლების, ხელოვნებისა და ბეჭდვითი სიტყვის ჯგუფებით;

ე) საბინაო-კომუნალური სექტორი
კომუნალური და საბინაო ჯგუფებით;

ვ) საქონელბრუნვის სექტორი
საქონელბრუნვის, ფართო მოხმარების საგნების და დამზადების ჯგუფებით;

ზ) ენერგეტიკისა და სათბობის სექტორი
სახელმწიფო საგეგმო კომისიის სექტორები განაგებენ სახალხო მეურნეობის მოცემული დარგის დაგეგმვის ყველა საკითხს და გეგმის შესრულების შემოწმებას ყველა მისი მაჩვენებლის რაოდენობრივისა და ხარისხობრივის მიხედვით. ამას გარდა, სახელმწიფო საგეგმო კომისიის შემადგენლობაში იმყოფებიან: საქმეთა მმართველობა;

ფურნალ „საქართველოს სოციალისტური მეურნეობის“ გამომცემლობა და რედაქცია;

სახელმწიფო საგეგმო კომისიის თავმჯდომარის სამდივნო.

9. სახელმწიფო საგეგმო კომისიის წევრებს არ შეუძლიათ სახელმწიფო საგეგმო კომისიაში მუშაობა შეათავსონ საბჭოთა და სამეურნეო ორგანოებში სხვა სამუშაოსთან.

10. სახელმწიფო საგეგმო კომისია თავის სხდომებზე განიხილავს სოციალისტური მეურნეობის უმნიშვნელოვანეს საკითხებს, რომლებიც დაკავშირებულია სახალხო მეურნეობის პერესპექტიულ, წლიურ და კვარტალურ გეგმების შედგენასთან და მათი შესრულების შემოწმებასთან.

11. სახელმწიფო საგეგმო კომისიასთან არსებობს საბჭო, რომლის შემადგენლობაშიც შედიან სახელმწიფო საგეგმო კომისიის წევრები და საგეგმო დარგის სხვა მუშაკები—სულ 25 კაცამდე.

4. რაიონული საგეგმო კომისიების დებულების დამტკიცების შესახებ.

საქართველოს სსრ სახალხო კომისართა საბჭო ადგენს:

1. დამტკიცებულ იქნას დებულება რაიონული საგეგმო კომისიების შესახებ

2. ძალადაკარგულად ჩაითვალოს დებულება სარაიონო აღმასრულებელი კომიტეტებისა და დამოუკიდებელ ადმინისტრაციულ ტერიტორიულ ერთულე-

ბად გამოყოფილი ქალაქების საქალაქო საბჭოების საგვეგმო-სასტატუსტიკო ნაწილების შესახებ, დამტკიცებული საქართველოს სსრ ცენტრალური აღმასრულებელი კომიტეტისა და სახალხო კომისართა საბჭოს 1931 წლის 18 აგვისტოს დადგენილებით (საქ. სსრ კან. კრ. 1931 წ. № 13, მუხ. 185).

საქ. სსრ ს.კ.ს-ოს თავმჯდომარე ვ. ბაქრაძე.

საქ. სსრ ს.კ.ს-ოს საქმეთა მმართველის მ. ა. ი. შელეგია.

1939 წ. იანვრის 8. № 40.
თბილისი.

დ ე ბ უ ლ ე ბ ა

რაიონული საგვეგმო კომისიების შესახებ.

1. რაიონული საგვეგმო კომისიები მოქმედებენ რაიონული აღმასრულებელი კომიტეტების განყოფილებათა უფლებებით.

რაიონული საგვეგმო კომისიები თავის საქმიანობაში ემორჩილებიან როგორც რაიონულ აღმასრულებელ კომიტეტს, ისე საქართველოს სსრ სახალხო კომისართა საბჭოსთან არსებულ სახელმწიფო საგვეგმო კომისიას.

აფხაზეთის ასსრ, აჭარის ასსრ და სამხრეთ-ოსეთის ავტონომიურ ოლქში შემავალი რაიონების საგვეგმო კომისიები ემორჩილებიან როგორც რაიონულ აღმასრულებელ კომიტეტს, ისე აფხაზეთის ასსრ, აჭარის ასსრ სახალხო კომისართა საბჭოებთან არსებულ სახელმწიფო საგვეგმო კომისიებს და სამხრეთ-ოსეთის ავტონომიური ოლქის აღმასრულებელ კომიტეტთან არსებულ საგვეგმო კომისიას.

2. რაიონულ საგვეგმო კომისიას სათავეში უდგას რაიონული საგვეგმო კომისიის თავმჯდომარე, რომელსაც დანიშნავს და უკან გაიწვევს რაიონული აღმასრულებელი კომიტეტი საქართველოს სსრ სახალხო კომისართა საბჭოსთან არსებული სახელმწიფო საგვეგმო კომისიის თავმჯდომარესთან შეთანხმებით, ხოლო ავტონომიურ რესპუბლიკებსა და ავტონომიურ ოლქში აფხაზეთის ასსრ და აჭარის ასსრ სახალხო კომისართა საბჭოებთან არსებულ სახელმწიფო საგვეგმო კომისიების თავმჯდომარეებთან და სამხრეთ-ოსეთის ავტონომიური ოლქის აღმასრულებელ კომიტეტთან არსებული საგვეგმო კომისიის თავმჯდომარესთან შეთანხმებით.

3. რაიონული საგვეგმო კომისიების შემადგენლობაში შედიან კომისიის წევრები 5-7 რიცხვით, რომლებსაც ამტკიცებს რაიონული აღმასრულებელი კომიტეტი რაიონული აღმასრულებელი კომიტეტის განყოფილებების, სასოფლო საბჭოების, საწარმოებისა და ორგანიზაციების ხელმძღვანელი მუშაკებისაგან, აგრეთვე სპეციალისტებისაგან, მოწინავე მუშებისა და კოლმეურნეებისაგან.

4. რაიონული საგეგმო კომისიებს აქვთ თავისი აპარატი, რომელზეც უნდა გება პასუხისმგებელი შემსრულებლებისაგან, დადგენილი წესით დამტკიცებული შტატების თანახმად.

5. რაიონული საგეგმო კომისიები:

ა) ანხორციელებენ რაიონული აღმასრულებელი კომიტეტის განყოფილებათა, რაიონული მნიშვნელობის საწარმოთა და დაწესებულებათა მუშაობის მეთოდოლოგიურ ხელმძღვანელობას კვარტალური, წლიური და საპერსპექტივო გეგმების შედგენის დარგში;

ბ) ადგენენ ერთიან რაიონულ გეგმებს (საპერსპექტივო, წლიურ, კვარტალურ), რომლებშიც შეიტანენ რაიონის მეურნეობისა და კულტურული მშენებლობის ყველა დარგს რაიონის ტერიტორიაზე არსებული რესპუბლიკური და საკავშირო ქვემდებარეობის საწარმოთა გათვალისწინებით;

გ) რაიონულ აღმასრულებელ კომიტეტებს წარუდგენენ დასკვნებს რაიონული ბიუჯეტის პროექტის, ბიუჯეტის შესრულებაზე ანგარიშის შესახებ, აგრეთვე იმ ცალკეულ ღონისძიებათა პროექტების შესახებ, რომლებიც რაიონულ ორგანიზაციებს შემოაქვთ;

დ) ამოწმებენ დამტკიცებული გეგმების შესრულებას და შეიმუშავენ ღონისძიებებს, რომლებიც უზრუნველყოფენ მათს შესრულებას;

ე) შეისწავლიან რაიონის საწარმოო ძალებს, აგრეთვე გამოავლინებენ რაიონის დამატებითს რესურსებსა და რეზერვებს, მათი უფრო სრულად ათვისებისა და გამოყენების მიზნით.

6. რაიონულ საგეგმო კომისიებს ენიჭებათ უფლება:

ა) მიიღონ გეგმების პროექტები, მასალები და ცნობები გეგმის შესრულების შესახებ რაიონული აღმასრულებელი კომიტეტის ყველა განყოფილებისაგან, აგრეთვე სასოფლო საბჭოებისა და რაიონული და სასოფლო ქვემდებარეობის სხვა დაწესებულებებისაგან;

ბ) მიიღონ მასალები და ცნობები, რომლებიც საჭიროა რაიონული გეგმების შესადგენად, აგრეთვე მასალები და ცნობები გეგმების შესრულების შესახებ რაიონის ტერიტორიაზე მდებარე ყველა ორგანიზაციისა, საწარმოსა და დაწესებულებებისაგან, მათი ქვემდებარეობის მიუხედავად, იმ მასალების საფუძველზე, რომელსაც ეს ორგანოები ზემდგომ ორგანიზაციებს წარუდგენენ;

გ) მიიღონ სახალხო მეურნეობის აღრიცხვის რაიონული ინსპექტორისაგან სტატისტიკური და საანგარიშო მასალები გეგმების შესადგენად, ანგარიშგების შესახებ მომჭმედი წესების მოცულობით და საქართველოს სსრ, აფხაზეთის ასსრ, აჭარის ასსრ და სამხრეთ-ოსეთის ავტონომიური ოლქის სახალხო მეურნეობის აღრიცხვის სამმართველოების მითითებათა შესაბამისად.

7. რაიონული საგეგმო კომისიები თავის მუშაობაში აბამენ ფართო საზოგადოებრივობას და იყენებენ სამეცნიერო და სხვა დაწესებულებებისა და ორგანიზაციების მასალებს.

8. ქ. ქ. თბილისის, ფოთის, სოხუმის, ბათუმისა და სტალინირის საბჭოების საგეგმო კომისიები მოქმედებენ ამა დებულების საფუძველზე. რაიონების შემადგენლობაში შემავალი ქალაქების საქალაქო საბჭოების საგეგმო კომისიები მოქმედებენ იმ დებულებათა საფუძველზე, რომლებსაც რაიონული აღმასრულებელი კომიტეტები დაამტკიცებენ ამ დებულების შესაბამისად.

5. სასოფლო-სამეურნეო არტელის სანიმუშო წესდების მე-12 მუხლის თანახმად განუყოფელი ფონდების ანარიცხის ოდენობის გამოსარკვევად მარცვლეული კულტურების, ტექნიკური კულტურებისა და მეცხოველეობის რაიონების დაწესებულების შესახებ.

საქართველოს სსრ სახალხო კომისართა საბჭო ადგენს:

1. მიეკუთვნოს მარცვლეულის რაიონებს საქართველოს სსრ ქვემოთჩამოთვლილი რაიონები, რომლებშიც სასოფლო-სამეურნეო არტელის სანიმუშო წესდების მე-12 მუხლის თანახმად, განუყოფელი ფონდების შესავსები ანარიცხის ოდენობა განისაზღვრება იმ ფულადი შემოსავლის არანაკლებ 12 და არაუმეტეს 15 პროცენტისა, რომელსაც არტელი ღებულობს:

ადიგენის

ასპინძის

ხაშურის

კასპის

თბილისის

აღბულახის

საგარეჯოს

სტალინირის (სამხ. ოსეთის ა/ო.)

ზნაურის (სამხ. ოსეთის ა/ო.)

ვანის

ბაღდათის

ჩხარის

კიათურის

ორჯონიკიძის

ტყიბულის

ონის

ამბროლაურის

ცაგერის

ქვემო-სვანეთის

აბაშის

ზემო-სვანეთის

ქედის (აჭარის ასსრ)

ხულოს (აჭარის ასსრ)

2. დაწესდეს, რომ საქართველოს სსრ ქვემოთჩამოთვლილი რაიონებში მიეკუთვნებოდნენ ტექნიკური კულტურებისა და მეცხოველეობის რაიონებს, რომლებშიც, სასოფლო-სამეურნეო არტელის სანიმუშო წესდების მე-12 მუხლის თანახმად, განუყოფელი ფონდების შესავსები ანარიცხის ოდენობა განისაზღვრება იმ ფულადი შემოსავლის არანაკლებ 15 და არაუმეტეს 20 პროცენტისა, რომელსაც არტელი ღებულობს:

ახალქალაქის
ბოგდანოვკის
ახალციხის
გორის
ბორჯომის
გურჯაანის
სიღნაღის
წითელწყაროს
თელავის
ყვარლის
ლაგოდეხის
ყარაიას
ბორჩალოს
ლუქსემბურგის
წალკის
დუშეთის
ბაშკიჩეთის
თიანეთის
ყაზბეგის

ლენინგორის (სამხ. ოსეთის ა/ო.)
ჯავის (სამხ. ოსეთის ა/ო.)
ქუთაისის
სამტრედიის
წულუკიძის
ზესტაფონის
ცხაკაიას
გემგემკორის
ზუგდიდის
ხობის
წალენჯიხის
ჩხოროწყუს
მახარაძის
ლანჩხუთის
ჩოხატაურის
ფოთის
აფხაზეთის ასსრ ყველა რაიონი
ქობულეთის (აჭარის ასსრ)
ბათუმის (აჭარის ასსრ)

საქ. სსრ ს.კ.ს-ოს თავმჯდომარე ვ. ბაქრაძე.

საქ. სსრ ს.კ.ს-ოს საქმეთა მმართველის მ. ა. ი. შელეგია.

გამომცემელი: საქართველოს სსრ სახალხო კომისართა საბჭო

უნდა ჩაბარდეს პირველ რიგში
ხელწერილის ქვეშ

მ ი ს ა მ ა რ თ ი ს ა თ ე ი ს

ფასი 40 კაპ.

საქ. სსრ სახკომსაბჭოს გამომცემლობის სტამბა „კომუნისტი“, კამოს ქ. 68.

მთავლ. № 464

შეკვ. № 326

ტირაჟი 1500